

ტვინების ბრძოლა

რეგიონული პირველობა | შემოდგომა 2024

U5 (III, IV, V კლასები)

1. 5 ქულიანი შეკითხვა

კეთილი იყოს თქვენი მოსვლა რეგიონულ ტურში! მაორის ტომში ცხვირებით შეხება იქსის ფორმას. იაპონიაში იქსის დროს თავს ხრიან, საქართველოში კი ხელს ართმევენ ან ლოყაზე კოცნიან. დაწერეთ, რა შევცვალეთ იქსით.

პასუხი: მისალმება

კომენტარი: სიტყვები “კეთილი იყოს თქვენი მოსვლა” დამატებითი მინიშნება იყო შეხვედრისას საუბრის თავაზიანად დაწყებაზე. შეხვედრისას მისალმებას სხვადასხვა კულტურაში სხვადასხვა ტრადიცია აქვს. ამ შეკითხვით ჩვენ მისალმება დავასრულეთ.

წყარო: <https://en.wikipedia.org/wiki/Hongi>

2. 6 ქულიანი შეკითხვა

[დასარიგებელი მასალა



]

მასალაზე გამოსახულია პოსტერი, რომლის პერსონაჟებიც ზედმეტად დიდ დროს ატარებენ ერთ სატელეფონო აპლიკაციაში. რვა ასოს გამოყენებით დაასახელეთ ეს აპლიკაცია.

პასუხი: Facebook / ფეისბუქი

კომენტარი: მოცემული პოსტერი ტელეფონთან ნაკლები დროის გატარებისაკენ მოგვიწოდებს. ალბათ შენიშნავდით, რომ პერსონაჟის ლურჯი ფერი და ასო-ბგერა F-ის მსგავსი მოხრილი პოზა წააგავს ფეისბუქის ლოგოს.

წყარო: https://projectauthenticity.org/wp-content/uploads/2018/04/img_2873-1.jpg

3. 7 ქულიანი შეკითხვა

მურმან ლებანიძის ლექსის თანახმად, იქსი ყველას უყვარს რამდენიმე მიზეზის გამო. მათ შორის “იმიტომ, რომ სავსეა კალათი და გოდორი” და “იმიტომ, რომ ირევა ცაში ოქროს ფოთოლი”. დაასახელეთ იქსი ცხრაასოიანი სიტყვით.

პასუხი: შემოდგომა

კომენტარი: შემოდგომის პერიოდში მოსავალს იღებენ, რაც კალათებსა და გოდრებს ავსებს. ფოთოლცვენის დროს კი ფოთლები ყვითლდება. ლექსი ეძღვნებოდა შემოდგომას.
წყარო:

<https://www.aura.ge/323-igqsebi-shemodgomaze/4679-murman-lebanidze--shemodgoma.html>

4. 5 ქულიანი შეკითხვა

ბარონი მიუნჰაუზენი მოგვითხრობს, რომ ერთხელ **ჭაობში იხრჩობოდა**, რა დროსაც **იქსში ხელი წაივლო** და საკუთარი თავი **ჭაობიდან ამოათრია**. ერთ **ზღაპარში პრინცესას იქსი** ციხესიმაგრეში **აძრომის ერთადერთი გზაა**. დაასახელეთ იქსი **მოკლე** სიტყვით.

პასუხი: თმა

კომენტარი: ბარონი მიუნჰაუზენი ცნობილია დაუფერებელი ამბების თხრობით. ბარონის თქმით, მან თმაში ხელი წაივლო და **ჭაობიდან** საკუთარი თავი ამოიყვანა. რაპუნცელის გრძელი თმა მის ციხესიმაგრეში ასვლის ერთადერთი საშუალებაა.

წყარო: რუდოლფ რასპე - ბარონ მიუნჰაუზენის თავგადასავალი

<https://en.wikipedia.org/wiki/Rapunzel>

5. 6 ქულიანი შეკითხვა

ერთი წიგნის პერსონაჟები ააგებენ **უზარმაზარ ზარბაზანს**, რომლის მეშვეობითაც **იქსზე მოხვედრას ეცდებიან**. იქსზე პირველად **ნილ არმსტრონგი** მოხვდა **1969 წელს**. დაასახელეთ იქსი **ექვსასოიანი** სიტყვის გამოყენებით.

პასუხი: მთვარე

კომენტარი: პერსონაჟები ზარბაზანში ჩაჯდებიან და მთვარის მიმართულებით ისვრიან საკუთარ ხომალდს. პირველი ადამიანი, რომელმაც მთვარეზე ფეხი დადგა, **ნილ არმსტრონგი** იყო.

წყარო: https://en.wikipedia.org/wiki/From_the_Earth_to_the_Moon

<https://www.rmg.co.uk/stories/topics/how-many-people-have-walked-on-moon>

6. 7 ქულიანი შეკითხვა

2019 წელს **სპორტის** ერთი სახეობის **პატივსაცემად საქართველოს** ეროვნულმა ბანკმა **უჩვეულო მონეტა** გამოუშვა. საქმე ისაა, რომ მონეტა **არა მრგვალი**, არამედ **ოვალური** იყო. დაასახელეთ სპორტის ეს სახეობა.

პასუხი: რაგბი

კომენტარი: რაგბის ბურთი, ბევრ სხვა სპორტში გამოყენებული ბურთებისგან განსხვავებით, არა მრგვალი, არამედ **ოვალური**ა. ამ ფორმის მონეტით პატივისცემა გამოხატეს რაგბის მიმართ.

წყარო: https://moneymuseum.nbg.gov.ge/index.php?m=268&cat_id=9&pid=206

7. 5 ქულიანი შეკითხვა

ხვიჩა კვარაცხელიას განცხადებით, **კრიშტიანუ რონალდუ** მისი **საყვარელი ფეხბურთელია**.

სწორედ ამის გამო, კვარაცხელიას **ნაპოლის მაისურზე** **ორი იქსის** ნახვა შეგვიძლია. დაწერეთ რა შევცვალეთ იქსით.

პასუხი: შვიდიანი

ჩათვლა: ციფრი შვიდი; 7

კომენტარი: რონალდუ შვიდი ნომრით თამაშობს, კვარას კი 77 აწერია. მის მაისურზე ორი შვიდიანი რონალდუს მიმართ პატივისცემის სიმბოლოა. შეკითხვის ნომერი დამატებითი მინიშნება გახლდათ. წყარო:

<https://sportall.ge/fekhburthi/fekhburthii/legionerebi/161052-kvarackheliam-akhsna-ratom-airchia-77-e-nomeri-qnapolishiq.html>

8. 6 ქულიანი შეკითხვა

[კაპიტნების რაუნდი. თითოეულ მაგიდასთან უნდა დარჩეს ერთი მოთამაშე, რომელიც შეიძლება იყოს ან არ იყოს კაპიტანი.]

გადმოცემის თანახმად, **წმინდა ნიკოლოზმა** ღარიბ ოჯახს **ბუხართან** გასაშრობად დატოვებულ **წინდებში საჩუქრები დაუტოვა**. ამ გადმოცემას ხშირად უკავშირებენ ხოლმე **იქსს**. იქსს ჰყავს **ცხრა ირემი**. დაასახელეთ იქსი.

პასუხი: სანტა კლაუსი

ჩათვლა: თოვლის ბაბუა, თოვლის პაპა

კომენტარი: ბუხართან ჩამოკიდებული წინდები და საჩუქრები შობის ერთ-ერთი სიმბოლოა. სანტას მარხილს ცხრა ირემი ეზიდება.

წყარო: https://en.wikipedia.org/wiki/Christmas_stocking

<https://www.thepioneerwoman.com/holidays-celebrations/a41926621/how-many-reindeer-does-santa-have/>

9. 7 ქულიანი შეკითხვა

ბარონი მიუნჰაუზენი ერთხელ ირემს წაანყდა, რომელსაც შუბლზე **ალუბლის ხე** ჰქონდა ამოსული. საქმე ისაა, რომ ბარონმა **ერთი წლით ადრე** ამ ირემის **მოსანადირებლად იქსის ნაცვლად** ალუბლის **კურკა** გამოიყენა. დაასახელეთ იქსი **ხუთასოიანი** სიტყვით.

პასუხი: ტყვია

კომენტარი: ბარონს ტყვიები გაუთავდა და ირემს თოფიდან ალუბლის კურკა ესროლა, რის შედეგადაც ირემის თავზე ალუბლის ხე ამოიზარდა.

წყარო: რუდოლფ რასპე - ბარონ მიუნჰაუზენის თავგადასავალი

10. 5 ქულიანი შეკითხვა

2014 წლის მსოფლიო ჩემპიონატზე ლუის სუარესმა **მეტოქეს უკბინა**. ამის გამო ერთი გაზეთი სუარესის **წინააღმდეგ** მოთამაშე მცველებს **ნივრის ტარებას** ურჩევს, თავად სუარესს კი **ადარებს არსებას**, რომელსაც **ჰელოუინისას** ხშირად შეხვდებით. დაასახელეთ ეს არსება **შვიდასოიანი** სიტყვით.

პასუხი: ვამპირი

კომენტარი: სუარესმა მცველ ჯორჯო კიელინის უკბინა, რის გამოც ის ვამპირს შეადარეს.

პოპულარული გადმოცემების თანახმად, ვამპირებს ნივრის ეშინიათ.

წყარო: <https://www.thescore.com/fran/news/1140000>

11. 6 ქულიანი შეკითხვა
[დასარიგებელი მასალა

ILLUMINATION]

კომპანია “ილუმინეიშენის” ერთი მულტფილმი იწყება იმით, რომ პერსონაჟები კომპანიის სახელში ანადგურებენ პირველ, მეორე, მესამე, მეოთხე, მერვე და მეცხრე ასოებს. დანერეთ, ვინ არიან ეს პერსონაჟები.

პასუხი: მინიონები

კომენტარი: სიტყვაში “ილუმინეიშენ” მოცემული ასოების ამოშლით მივიღებთ სიტყვას “მინიონ”. ეს პერსონაჟები არიან მინიონები.

წყარო: <https://www.youtube.com/watch?v=3-zptFsUBGs>

12. 7 ქულიანი შეკითხვა

ერთმა უდაბნოს მცენარემ ცხოველებისაგან თავის დასაცავად იქსები გამოიმუშავა. ერთ მულტსერიალში ეს მცენარე საფრთხეს უქმნის ბუშტს. დანერეთ, რა შევცვალეთ იქსებით.

პასუხი: ეკლები

ჩათვლა: ნემსები

კომენტარი: კაქტუსი სხვადასხვა არსებისგან თავს მჩხვლეტავი ნანაზარდებით იცავს. ბუნებრივია, ბუშტი გასკდება, თუ კაქტუსს შეეხება.

წყარო: https://theamazingworldofgumball.fandom.com/wiki/Carmen_Verde

<https://www.vermontpublic.org/programs/2021-01-29/why-are-cactuses-spiky>

13. 5 ქულიანი შეკითხვა

ძველ იაპონიაში ამაღლებულ იქსს იყენებდნენ იმისთვის, რომ ძვირფასი ტანსაცმელი ტალახიანი მიწისგან დაეცვათ. მულტფილმში “შრეკი 2” ვხვდებით კატას, რომელსაც აცვია იქსი. დაასახელეთ იქსი.

პასუხი: ფეხსაცმელი

ჩათვლა: ჩექმა

კომენტარი: იაპონელები ძვირადღირებული კიმონოების ტალახისგან დასაცავად ამაღლებულ ფეხსაცმელს ატარებდნენ. მულტფილმში “შრეკი 2” ვხვდებით ჩექმებიან კატას.

წყარო: <https://themoderndirectory.com/education/the-history-of-high-heels/?form=MG0AV3>

14. 6 ქულიანი შეკითხვა

[დასარიგებელი მასალა



]

ბევრ ქვეყანაში სასწრაფო დახმარების მანქანებს წარწერა სწორედ ასე აქვთ გაკეთებული.

როდესაც მძლოლი იქსში ჩახედავს, ის მიხვდება, რომ მის უკან სასწრაფო დახმარების მანქანაა და მან გზა უნდა დათმოს. დანერეთ იქსით შეცვლილი სიტყვა.

პასუხი: სარკე

კომენტარი: თუ ამ შებრუნებულ გამოსახულებას სარკიდან წავიკითხავთ, ტექსტი გასწორდება და ამოვიკითხავთ სიტყვას "AMBULANCE". ამგვარად ეხმარებიან მძლოლებს, მარტივად ამოიციონ სასწრაფო დახმარების მანქანა საჭესთან სარკეში ჩახედვის დროს.

წყარო:

<https://byjus.com/question-answer/why-is-ambulance-written-backward-in-an-ambulance-to-draw-attention-if-you-look-at/>

15. 7 ქულიანი შეკითხვა

ქართული იქსების ბოლოს ვხვდებით ხორბალთან დაკავშირებულ ორ პროდუქტს. ბოლო პერიოდში პოპულარული სიმღერის თანახმად, იქსის ბოლო კეთილია. დაასახელეთ იქსი.

პასუხი: ზღაპარი

კომენტარი: პოპულარული ქართული სიმღერის თანახმად, ზღაპრის ბოლო კეთილია. ჭირი იქა, ლხინი აქა, ქატო იქა, ფქვილი აქა.

წყარო:

<https://karabadini.ge/product-category/%E1%83%A4%E1%83%A5%E1%83%95%E1%83%98%E1%83%9A%E1%83%98-%E1%83%93%E1%83%90-%E1%83%A5%E1%83%90%E1%83%A2%E1%83%9D/>

<https://www.youtube.com/watch?v=OucX0et-6NY>